


**Nishtu anitshenat innuat shatshuapatamuat nenua tshiashi-natau-attia**

Ne 18 uapikun-pishim<sup>u</sup> 2013, peik<sup>u</sup> ukupaniema NML ka nishtuapataminiti eshinakuanniti ashinia, Bocar Diagana, utsheuenipani nisht<sup>u</sup> innua ka utshippanniti anite ut Innu-Takuaikan Uashat mak Mani-utenam (ITUM) mak anite Matimekush/Lac John (NIMLJ), shatshuapatamupanat nenua tshiashi-natau-attia. NML itishuepan ukupaniema ashit sheuekatshua tshetshi itaunakanniti nenua e nishtiniti napeua nete shakaikanit Ushkuash mak Champdoré. Ben McKenzie ka utshipanit anite ITUM anite tapan mak Daniel Gabriel kie Maurice Vollant ka Utshipanit anite NIMLJ. Ushkat anite nakauipanat shakaikanit Ushkuash.



Ben McKenzie

Takutauat anite nanipau pessish anite kutikuniutshuapinu tekuannit, Penitenimiss, nishuaush-tatunnuepipuneshu ashu peik<sup>u</sup>, tshitapu, mitshiminam<sup>u</sup> utapissikan mak tshitapameu kashkuana pemipaniti katak<sup>u</sup>, mamitunenitamiunakushu, miam tshessitutaki tshekuannu shashish. Ekue tshiuekapaut, ekue tshitapatak ashinia ashastenua akamatauat. Ishpimit aitapu ekue kau enat aitapit. Tshakuanitshe tshitshue miamitunenitak?

Ben McKenzie ekue itat nenua Bocar Diagana tshetshi natshikapaushtakut ekue tipatshimushtuat nenu tipatshimunn<sup>u</sup> : « euassiuian, nitakushiniti ute e pimuteian pepuk, anite ut Schefferville. Nishuminastakana ishpish nipimuteti shakaikanit e mashkutiki kie anite minashkuat ». Ekue shaputuepanit essishuet : « Shash nitshi-kushpin anite ut Uashat. Nasht peikupishimua mak pushk<sup>u</sup> nititati tshetshi mishikaian. Tshitshisseniten ma uet mueshtatenitaman, napeu... »

Katshi tueunanut nete shakaikanit Ushkuash, anitshenat ka pushiht ishitshimeuat nete shakaikanit Champdoré, uenapissish anite tauat, eshk<sup>u</sup> eka tshieuh<sup>t</sup> nete Schefferville.



Maurice Vollant, Ben McKenzie

Ne tshishennu mak utsheuakana mishta-minuenitamuat katshi shatshuapatahk nenu, ka mishta-apatenitahk nenu. Minuenitamuat katshi natshi-uapatahk nete nutshimit assia ka nishtuapatahk anite ueshkat ka aituteht.

**Kamashinaitshesh<sup>t</sup>** : Élisabeth Benoît

**Ka uitshiaushih<sup>t</sup>** : Dean Journeaux, Paul F. Wilkinson, based on the visit report by Bocar Diagana



Anite ut unashpatshiun auen nuash uminunit: Daniel Gabriel, Bocar Diagana, Ben McKenzie, Maurice Vollant

**Tanite etaht**

**info@NMLiron.com**

Uashat : Kaimitunanut. : (418) 961-1401

Munianit : Kaimitunanut. : (514) 935-3204 Takapitshenikan. : (514) 935-9650

Matimekush : Kaimitunanut. : (418) 585-2305 Takapitshenikan. : (418) 585-2304

Labrador City: Kaimitunanut. : (709) 944-5592 Takapitshenikan. : (709) 944-5651

St. John's: Kaimitunanut. : (709) 722-5714 Eka ka tshishikashunanut : 1-877-353-6665